

花
宜
館
詩
鈔

少年之詩淺中年之詩雜晚年之詩率吾病吾知之不能諱也已涉衰暮豈復有進境退閒無事取舊作汰其半都爲十六卷附詞二卷生平蹤跡略可省記而已憶道光初松江姚君椿嘗序吾蒼雪集文刊晚學齋文錄後在山左掖縣李君同爲序一篇在黔善化前輩賀公長齡復爲序之南北奔走藁本皆佚甚負故人殷勤獎勗之意又同年祁春浦相國嘗有論余詩九條書作長卷見寄意主推重弗克當也竊念人生世閒擔荷綦重詩卽工何裨於世矧未易言工也可愧哉可愧哉咸豐辛酉三月振槭自識於長安客舍時年七十

咸豐辛酉養病長安刊此十六卷甫刊畢而回逆焚掠之事起板遂燬今大孫文塢爲重刊於京師則同治四年乙丑也再翁又識

花宜館詩鈔卷之一

錢塘吳振棫宜甫

古今體詩一百七首

起嘉慶庚午至戊寅

羅將軍燒賊歌

有引

羅名思舉蜀人少無賴年十三已能掠人於道
嘉慶初川陝不靖賊據山險爲營屢攻不克軍
中募健兒能破賊者羅應募乘夜獨往燒其營
寨賊大驚潰後屢立戰功累官至提督

蠻雲蝕月萬帳黑將軍大醉夜燒賊火勢逐風風怒號
電旗葉開光更高摧拉枯朽頃刻耳草閒狐兔安能逃

將軍大笑萬骨仆單騎歸營刀不污噫吁嚱以膽狎賊
賊膽驚將軍不死賊不生後來威名到草木小兒夜怖
無啼聲十年罷戰收干櫓蛇虎繁霜無疾苦雕青惡少
賣刀來山上新畬舊焦土此詩作於嘉慶庚午遠道光
南提督亦駐大理每談及少時
為劇賊事略不諱匿真偉人也

蠻山高

蠻山高猩蹯奔突豺豹嘯蠻溪深墮鳶跼跼霧雨淫城
中夜半哭聲起壯士征蠻別鄉里銜鬚畢命會有時裂
眚歌呼悲未已甲光金鱗陣雲紫將軍得功士得死功
成士死史無名分得餘糧活妻子

營中謂之
寡婦糧

太守怒有引

曩大學士公福康安督蜀勢張甚鈴下廝養憑
藉搏噬莫撓其鋒一日輿夫入人家攫釵珥都
司徐斐見而訶之其黨伍摔徐撻辱冠服皆毀
姚公令儀方爲成都太守捕治之斃其魁大學
士怒曰守敢爾詰其事則抗辭以對時已奏擢
川東道乃遣騎追前疏還然公直聲震蜀中矣
公婁縣人以乾隆丁酉拔貢起家崎嶇戎馬間
累官至四川布政使蜀人習聞其事因作太守
怒一篇

都司訶輿夫怒老拳捽胡苦枝梧輿夫譁太守怒赤棒
聲中一城怖太守謁相公怒守不遷官守自誤吁嗟乎
輿夫之怒速其死相公之怒庸才耳太守之怒強項矣

往事

恩深翻惜死福大不論才龍虎邊庭節笙歌幕府杯重
權諸將伏殺運十年開往事沙沈戟斜陽雀鳥哀

張敵柳陰牧牛圖

曲波如環漱石齒禿柳枕江臥不起一鞭叱叱驅歸牛
羣鴉驚飛拍江水牛乎牛乎何夷猶一生不受金絡頭
老翁偃僂與牛語柳陰團團且休汝

書姚大春木

椿詩集後卽送還江南

長安多朱門青青滿
資萊卻曲傷吾心
迷陽傷吾足可憐
驚眼貫不受金錯
刀庸夫笑鷄雀蹤
跡埋蓬蒿才人萬
古淚同下灑作苦
雨隨江濤江濤出
峽東入楚夜把長
劍獨速舞華陰有
土誰拂拭虎氣飛
鳴入毫楮鸞身飄
飄玉衣舉碧宮夜
寒踏雲語青霞碎
翦擲千縷仙機無
聲織星渚鶴翩飛
兮返故岑山重水
遠雲陰陰相思一
夜江南夢春雨五
茸芳草深

外舅姚一如方伯輓詩

卅載馳驅齒髮殘
眞從王室奉心肝
如何海內銷金甲

已見雲中下玉棺恩怨白頭誰論定功名青史歎才難
當時揖客將軍重露布催成萬帳看

臺灣廟爾喀西藏
川楚教匪諸役公

皆在
軍中

一代香光筆法工莫教餘技掩奇功歸耕天靳餘年福
說士人思長者風自媿清言非衛玠難將雅化狀文翁
欲知美政調寬猛盡在蒼生涕淚中

御河行

有序

成都貢院爲明蜀藩邸故址崇墉四周中有數
巨石雕文龍蟠舊物也外爲御河今猶沿其名
荒蕨不治且涸矣春晚過此感歎成篇

春水二分江入城御河堤上無水聲寒沙碎礫五百丈
瘦馬蹀躞烟草平當時水繞宮牆碧花邊玉簫柳邊笛
祇今樹色何萋迷鶯巢換與鵲啼千秋萬歲一朝暮
漢苑唐宮古無數點點青山總不情埋盡癡魂伴狐兔
瑤池仙人秋鬢白白雲瀉盡銀潢窄瓊花爛煮不得喫
不如河樓酒一滴

上巳同人集禊帖作詩余亦繼和

錄錄今猶昔殊非爲樂時盛年不可又世事已如斯春
向人間老文從悟後知山林致清靜感遇豈生悲

風有一絲足當之殊快然無山寄游跡聽水悟流年曲

室臨虛竹春陰帶暮天幽懷託清詠未合列諸賢

雨後見月

騎額已愁雨照泥還有星疎螢上衣白涼月抱烟青
寺催鐘杵風爐罷茗瓶夢中鄉路遠多少畫烏亭

夜坐

明河夜耿耿螢火入林微燈影白於月雨聲涼在衣
詩成寫苔紙客至欸荆扉未免瞋奴嬾行沽尚未歸

薛濤酒

汲薛濤井以
釀味極清冽

圓川仰流淨無垢苔繡銀牀色深黝城中汲取釀老春
傭保朝朝具縷缶薛濤昔住浣花溪草長鴛鴦拂文牖

節度殷勤召校書幕府清歡誇席糾枇杷花裏鬪清吟
風雨飄零五百首廢址難尋曲木榰諧語空聞沒梁斗
舊坊箋樣問松花十色繽紛雲散久空花小劫何足弔
只合閒呼掃愁帚油囊無處覓老姥琬液何時薦王母
太真夫人不復酤湘中女子今安有平生未了麴蘖事
愛爾香名猶未朽可憐顏色稱黃嬌卓女壚邊能似否

故劍

一擲風雲恨殘銘認太阿只應埋澗壑漫憶斫蛟鼉恩
怨前生盡英雄老淚多終憐奇氣在玉具重摩挲

蠹簡

竹素原千古其如老蠹何神仙言盡妄文字禍偏多下
士爭殘闕名山費網羅翻憐無字句妙悟自維摩

昭化縣

漢水分流界兩川馬鳴閣外暮霞懸侯封地失葭萌舊
古渡名猶枯柏傳新柳綠分村路細亂山青束縣城圓
八行欲寄成都去江上開帆有估船

龍門閣

怒龍拔地起雙嶺屏對展東西石橫跨蘚印馬迹淺下
有谿衍洞斧鑿鬼工遣仙扉幾扇闢水簾萬珠卷靈境
敞厚豁凡骨許誰踐我來迫高春欲往志先輟捫天踏

龍背腳底怒霆轉窘步愁顛隋屏息萬慮翦

甯羌州

驛柳不成行交交烏弄吭夜來氏道客夢落碧雞坊強
弩家家有山田歲歲荒洗兵知未久漫怨小紅狼

沔縣道中

纖路松篁裏鳴禽沙水間天然眉黛好只有女郎山

寬川舖

山盡見平沙炊烟聚幾家空槽嘶病馬獨樹下羣鴉客
倦寒宜酒村晴暮有霞野桃誰與賞隨意自開花

七盤嶺

羣山鬪獅豹骨突氣象猛
鎚鑿元氣中匠巧天所逞
篙深鳥無語袖擁白雲冷
左旋右復折七曲屹巨嶺
嶺巔拓遐眺紫翠蕩晴影
廣袤千里餘了了俯窺井
獨苦履斷磬陪鐵馬蹏
警三復乘危言自斷忠信秉

雞頭關

膈膈膊膊雞亂鳴雞頭關
上行人行關頭巉巉多怪石
以物取象關得名石小如棋
大如斗旋轉風中逐人走
古柯踞地僵不花毒霧中人
烈于酒馬行契需馬瞻怯
不肯橫馳常俯首僕夫怒馬
又惜馬鞭影搖搖迫其後
少年任氣遠行役道路酸辛
十知九閉門持火燒車輪

此福人間問誰有
義鞭扶日疾似梭
達人知命焉知他
願君夜半莫起舞
聽我雞頭關上歌

觀音碣

陰后補天竅天漏石亂墜
棧閣此中斷惟有飛鳥至
賈侯用火攻鎗險出尺地
至今厓厂上不得過兩騎
攀援濟緩急霜藤曳深翠
石紋圻縱橫波磔具逸致
以指試畫肚如讀古皇字
奇招仙靈賞險拒俗駕
厠青山肯我留願矢縛茅志

馬鞍嶺

言陟馬鞍嶺登頓二十四

俗諺云然

元雲莽蕩蕩晴晦眾壑

異修磴石作梯不踐寸土地居民麋鹿狎過客虎狼伺
悲聲起高蘿山鬼白日戲雨從武關來一夜洗寒翠條
然動仙心高鶴天外至

留壩

逐隊騾綱遠揮鞭夕未閒人經野羊水路入畫眉關獵
騎原頭火歸鴻雨外山今宵鳳州酒好爲破愁顏

柴關嶺

羣峰合如環白雲塞其空我來登陟頻馬足夕陽送上
有千章木朝晡鬱陰霽山深樵斧赦顛倒枝葉縱怒號
眾籟并拏攫萬狀貢燭龍拒不入終古墮昏夢南望紫

柏山七十二巖洞聞有仙靈游青虬玉童控

鳳縣

昔讀岐南志常思古鳳州今來衝暮雨荒落使人愁轉
戰兵方罷瘡痍淚未收東風萬條柳還似舊時不

銅雀臺

不見銅雀臺但見漳河瀉春草綠如油無人覓殘瓦

與孔夢鷗編修

傳綸

移居上斜街

袍花映日佩鳴玉九衢未曉車相逐君是長身幾世孫
局腳牀中貪睡足城西苦愛人跡少招我同居寺傍屋
長椿寺側樹頭鳴鳥自來往樹下雙扉無剝啄滿窗紅日夢

初醒石銚松風一甌熟翰林風月本神仙君是散仙尤
絕俗君未入清秘堂及兩書房故云君看百歲如風狂未養丹砂一火
伏妄心似膜要消除華髮如絲易摧剝果然曼倩耐長
飢不須苦草三千牘

贈魯孝廉芸峰

邦華

青衫餘涕淚猶上孝廉船作客貧耽酒論詩老入禪
塵埃誰相馬風雨又聞鵲賴有雙鬟唱才名早與傳

簡朱三石友

葉雲

寥落向誰語懷中冷玉琴把杯孤館淚伏櫪暮年心黃
鶴故林遠白鷗春水深何爲萬人海擁鼻但酸吟

喜瞿綬伯

敬邦

自蜀入都

相逢不是夢一笑卽銜杯游跡燈前數詩心劍外來瓊
瑤重投贈桃李笑興臺之子姬姜美華年耻自媒

送嘯雲弟

爲楫

報罷還蜀

一騎長征日三河苦戰時客過魑魅喜書到死生知劍
棧天邊路春塘夢裏詩聯牀來聽雨何日共銜卮

贈徐鴻治

業鈞

卽送還蜀

擾擾長安市關門白日眠愁惟向天問狂不受人憐投
轄耽豪飲題襟擅妙篇近來能脫略我亦惜華年

一第何輕重翩然去

帝鄉干戈衝汲郡風雪到華陽
寒夢蜀絃澀離心燕草長
薛家牋樣好書札莫相忘

有感

甘泉宮外捷書陳功狀傳聞半失真
笳鼓中朝歸大將畫圖終古哭
流民招魂夜月黃河岸埋血空山
碧草春始信火攻真下策不知閩外
付何人

荏平道中

野芳擢荒蕨花氣悅鳥性縱殊桃李
姿破籬寫幽艷上有樛木枝夕響挾
風勁落葉日以多蠹緣尙相映流烟
去不息山光暮逾淨冥濛上沙月昏
如未磨鏡

韓莊

酒旆出深樹乍聞人語喧東西八九家烟火自成村瓜
蔓一何長青青繚牆垣黃雞樹極嘯老特臥當門亦有
井與竈亦有瓶與盆懷葛孰云遠農桑固所敦勞勞獨
行役百憂向誰論

舟次有懷陶槎仙

際堯京師

蒼蒼平楚外雙槳動吳音鳥語下寒色江流清客心風
霜鄉信近燈火市門深之子歸來未京華恐滯淫

寶應道中

點綴芭籬蛭子黃松毛壓屋小槽香不知何處龍竿寺

疎雨涼蟬過射陽

邵伯埭

一櫂過棠堰黃蘆欲著花不聞人語響數點落寒鴉

金山

浮玉峰頭生暮烟妙高臺下水連天開堂誰領三千指

放棹重來十四年

辛酉會登此山

塔影半空飛鳥外江聲萬里

佛鐙前東坡誓苦歸何日莫負雲山舊衲緣

丹陽道中

寂寞雲陽地蒼茫過客舟峭帆飛迅鳥殘月下奔牛孤
檠天涯夢清霜木末秋莫教江北望落葉使人愁

至江陰借寓陳氏宅

吾遊真倦矣不復掛帆行江郭
新過雨秋潮暗入城洗
塵空買醉撫軫默含情倚幌憐孤影
翻嫌月太明

追憶

記得銅荷照影雙鳧花爲我撥深缸
祇今獨醉搯寒枕
落葉如人夜打窗

矮箋愁寫並棲禽生手重調未典琴
織素織縑原一樣
可憐我已負初心

料量行色到宵深多少青雲屬望心
我幸成名君早世
幾回垂淚寄泥金

昨夜烟花夢錦官幾年孤負月團圓柔魂那識江南路

破寺秋深暮雨寒

時姚孺人尚厝
成都化城寺

曉起

海風吹城冰凍沙初日到簾人影斜山禽踏雪語清曉
雙雙飛上黃梅花

題霓裳羽衣圖

婆羅門曲妙新裁道是西涼進奉來擊擲彈吹商調好
舊名莫誤紫雲迴

散序開頭拍序終錦袍飄雪舞春風誰勸懽綽河中譜
記有同州舊樂工

聽風聽水曲全忘不見齊州任六郎
梵字橫書誰辨得
逍遙樓外又斜陽

梨園爭唱荔支香粉骨春風恨渺茫
金屑琵琶誰絕妙
周家殘譜說南唐

開元法曲世間無十二遍中聲貫珠誰識霓裳第三疊
祇今按樂有新圖

青陽

一星三兩曲一曲三兩峰峰低竹木密覆以青茸茸沿
緣三十里轉權何春容初時山氣黑忽又斜陽逢樵人
答雲唱漁侶尋烟蹤卹寒犬聲寂浪劃魚身衝人家夾

明鏡綠瀉春波濃
吾行已忘遠
泛泛晴鷗從

姑蘇雨泊

閃閃篷窗燭燄青
酒錢蕭索卧雙瓶
單衾潑水春無夢
惆悵簫聲隔雨聽

吳興道中作

桃華一枝紅宛宛
黃雛將雛滿田坂
古祠倚樹屋架偏
野塘無人水流遠
千絲出岸漁網舉
一簫入邨餉擔返
坐覺微波卷好風
更見輕雲媚遙巘
我時展墓返江鄉
卻買扁舟盪春晚
彈渦石膩篙忽滑
仄港橋多帆數偃
蕭然巾拂似游仙
回首風塵愁跨蹇
長筵拘索縛朝衫

官道喧呶避珠幃似聞期限相促迫那得江湖長繾綣
欲將長句訂鷗盟新月如睂生嫩堰

泊烏鎮

一溪燕子攬春愁青竹簾開水面樓客纜初停月初上
藤花風細落船頭

抵杭州作

阿兄喜我歸走拋手中書諸弟喜我歸攝衣堂中趨阿
嫂喜我歸治具入中厨飯以長腰米佐以春韭菹酒行
語更多問答不欲疎謂我鄉音改謂我昔顏殊獎我成
科名情摯詞非諛慰我道路苦勸我傾春壺兒童亦笑

躍紛來牽衣裙此時燭花熾耳熱心踟躕安能百歲間
不見舟與車

湖上口號

六度南巡奉

翠華當時春滿六橋花閒行昨過黃船廠水鳥銜魚上

槳牙

黃船廠皆龍舟鳳艚也
今損壞已十之七八

誰將面目借花神世事從來質混真而今廟圯花無主

賸有裙腰草色新

李公衛塑已像爲花神乾
隆間始改塑今廟已荒廢

供御曾傳宋嫂魚湖樓魚味近何如不須更種陶家柳

世上都誇五柳居

五柳居本陶氏故業以醋
烹魚得名今已數易主矣

飛度琉璃百折天中流誰許布帆懸去來總借湖風力

只有山僧盞飯船

湖舟無帆惟淨慈寺齋飯船有之

吳越王祠傍水涯移來殘碣薜紋斜

表忠觀碑近錢梅溪泳自府學移主

年年但賞連蜷桂誰唱當時陌上花

祠中老桂爲湖上勝賞

蜻蜓一葉酒千鴟還憶風流老輩時寒食清明都過了

更無人唱柳枝詞

王述庵先生主講杭州作西湖柳枝詞一時和者數百家

香市山山二月開攜兒挈嬾步徘徊鳴鉦松木場邊路

爭看如椽蠟燭來

鄉民進香有以數人舁一燭者

船頭船尾盡筠籃

各郡縣人進香者歸時競買湖上竹籃謂之燒香籃

歸去春江

月二三贏得靈籤多吉語今年宜稻又宜蠶

官來打量湖上工葑田計畝筭南東布旗水面書濃墨

十段分開一棹通

時有濬湖之役分十段立旗水中以爲標識

午日龍舟颺繡旗五千畫鼓水嬉時要看踏浪誇身手

爭把紅裙裹鴨兒

湖中五日龍舟頗盛有以瓶酒及鴨投水中舟人泅水爭取之

漫論天竺白雲芽漫道香林味足誇且試白公新井水

一甌微綠本山茶

湖上人家所采茶皆稱本山

免埭茶香不計錢何須西太乙宮前虎跑路遠龍泓僻

約客惟尋六一泉

近日六一泉茶肆極盛

茶寮酒所遍勾留水色粘天綠似油十載紅闌春事好

午船齊泊看經樓

即望湖樓新葺不及十年爲春游最盛處

小有天園衆綠酣更無扁鐺恣游探牡丹花小桃花瘦
不似當時舊壑庵

乾隆間曾奉宸游今已荒廢

西湖竹枝詞

二月三月湖水香采蓴采蓴雙槳忙郎心蓴葉一般滑
妾意蓴絲一樣長

月子彎彎夜未央雙飛雙宿羨鴛鴦郎情莫似長橋樣
道是長時卻不長

湖上長橋甚短

幾時買得木蘭舟脆管零絲坐兩頭上湖酒香勸郎飲
下湖花好載郎游

新歌送別思徘徊更向花前勸玉杯靈鷲飛來不飛去

不知郎去幾時來

紀游二首

柳洲春老柳飛棉三月東風太放顛攪得一湖無綠處
不知是雪是春烟

花陰深處見疎星烟抱涼蟾出遠汀夜半酒醒看不足
移船更泊望湖亭

慧日峰下作

舊爲小有
天園今廢

石路斗上不肯平游人腳底春鳥鳴長松大石相倚立
細嵐翠霧排空行山前舊時起別業剔藪雕岩諸郡甲
天子曾經翠罕留大官也喜閒鷗狎勝日無時無客來

濃春無地無花插我生聞已不如前況我重來十五年
行避壞廊防墮瓦炊殘曲木并無椽人生只合逢場醉
若問人間總如寄東海時時見種桑安論千年萬年事
沈吟卻立竟忘歸一杵春鐘下山翠

族叔

鉞孫

孝廉招游湖上作歌

寺傍寺湖外湖嬌鳥踏花名自呼雨聲一夜洗楊柳笑
撲楊花雪滿手船頭擊鮮船尾炊蜂戀酒香旋轉飛搖
我白團扇勸君朱提瓶淵珍藪寶易銷散醉眼但見山
長青山長青酒長滿湖水香湖草短今日游固佳明日
游莫緩悲哉勞勞義與娥花開雖紅落則那北山之曲

南山阿麒麟高冢碑峩峩世間富貴易取耳綠鬢有霜
君奈何

固陵懷古

越王西去此經過憤鼻樵頭感慨多見說三觴方進酒
已憑一介罷揮戈古來易墮藏弓淚日暮猶聞采葛歌
獨有鴟夷歸計好五湖春水照修蛾

蕭山道中

昔人棲遯處山色總蕭然嘒鳥前邨樹清江獨客船坐
忘川路永靜覺梵鐘圓衆靄蒼蒼外漁鉦幾箇懸

端午甬江道中待潮

蔽江健艣送潮下有似千百烏鴉鳴我舟逆潮不能進
柳椿一尺孤纜橫柴扉三五倚江水邨人列坐沙草平
不設禮法但轟飲老瓦疾注邨醪清卻憶錢唐好風景
綠者園筍紅山櫻雄黃飽蘸畫兒額老瘡圖像丹砂頰
西湖水嬉更華麗龍舟畫鼓紛敲鏗家人留我度佳節
掉頭已向江東行豈知行路亦大好千鬟萬髻山無名
晚天一笑柁樓飯石首爛賤船孃烹高歌無腔短童和
冠巾森爽南風生須與潮平舟便發雙鷗拍拍江波明

姚文秋坪

令俞

太守席上作

太守茸城彥攜琴到細湖放衙庭樹午挂笏海雲麤猛

燭遮銀押初筵進玉壺六年離合感舊事話成都

秀州訪吳夢塘師

玉輝

不值

南風吹麥隴五月射襄城潮落沙痕遠雲流塔影輕到
門芳草合繞樹曉禽鳴遙想鹽官道題詩海氣晴

張遠春丈

興鏞

招飲塔射園

結屋枕江水客來船到門松聲招野鶴塔影傍清樽官
稱詩情冷鄉傳世閤尊空懷濟時略鬱鬱向誰論

題程喬堂

銘

畫梅

梅花妙入喜神譜琴甲貝螺何太工他日圖成一百品
草堂無處不春風

孟蘭盆歌

厲壇治幽禮所遺元都大獻供冥施七聖旛節唐禮儀
麴山酪海儒所訾至今委巷沿習之攔街僧座披三衣
是時月黑星芒稀三十六鐙搖光微金鈴郎當聲慘悽
瞑目戟指儼攝持大鬼膨亨舞傒傒短鬼跳躍從以嬉
五窮柳車去復歸女蘿爲帶薜荔衣亦有毅魄雄恣睢
獨乘赤豹從文狸長身九約角嶷嶷敦晦血拇行駸駸
紛來攫食張兩頤夢脯荷饌夥且茲酒醪擇甘肉擇肥
天雞高唱搏桑枝荒燐點碧隨烟飛我思此事重有悲
哀鴻磬磬鞠凶罹破竈十日九不炊酒肉臭爛朱門誰

方今賢吏羅九畿如何鬼飽生人饑

蘭

香光闕重幙秋意雪在枝瀟湘望不見清怨流琴絲英
英月氣白團團露華滋殘尊讀離騷一洗萬古詩中宵
夢空谷薜蘿落無人知

韓園看花

昔有王司寇詩成勝境傳

漁洋山人有
游韓園詩

東風幾開落我

輩復流連候火松壚畔題雲石屋前催歸禽語急花外
暝生烟

君山

俯瞰長江濁浪奔，仰攀飛觀躡雲根。
山分雨色歸諸寺，潮挾秋聲下海門。
近岸船多魚市大，新梅花盡鶴巢存。
女環一曲無窮恨，事去千年莫更論。

山以春申君得名

讀王丈古遺

以錯

遺詩

斯人不千古，何以重知音。
作意別秋骨，有光寒鬼心。
宦成悲憤在，醉死姓名沈。
回首看餘子，天公妒未深。

至當塗縣與大兄曼雲夜飲

高帆帶雨收江郭，暮停舟古月仍牛渚。
春寒尙鹿裘，新年燈送喜。
貧宦酒銷愁，六載輕離別。
人間易白頭。

學使白小山丈

銘

招飲看燈

重向龍門拜李膺當年相賞魏王承禮尊前輩初投刺
官喜清時不禁鐙密座傳花催席糾斜窗分月上衣棱
暖風已促乘輅去文學方勞漢殿徵

程方舟

瀋

浣雲兄招游牛渚飲太白樓作

酒人生死如蜉蝣人間突兀兩酒樓任城酒樓足未到
卻向采石來維舟錦袍仙人控玉蚪一去不返江空流
坐收萬里入雙眼江水不洗胸中愁樓頭蕭郎嘗畫壁
紫翠模糊遺蹟覓想當四堵下筆時山騰川奔霆怒激
前輩丹青擅場早可憐姓字今寂寂晚雲蓬蓬半江紫
樓上行觴四座起銀鑿落金叵羅客且飲吾當歌吾聞

戰場山下多鬼雄夜哭悲秋蘿功名青史數行字不幸
埋沒知誰何破除萬事養吾懶惟有痛飲而高哦主人
大笑衆客和老鸛驚起逃其窠東風夜撼魚龍醒罷酒
歸來月滿艇青山回首隔江城太白星芒動虛迴

陳鐵橋同年

憲曾

招飲瞻園

前朝傳甲第

園爲徐中山故第

公子惜名園鶴導尋梅屐笙催

欸月樽簾波銀押動香篆玉爐溫未忘京華事青袍舊
酒痕

客裏

殘書幾卷靜中緣客裏情懷總惘然酒醒花前難一笑

雁聞江上已三年于湖亭榭寒多雨蜀道雲巒遠似天
家大人在蜀何術同消離別恨歸耕及早買烏犍
曼雲兄在皖

寓保安寺習國書戲呈余梧岡鳳嘴程蕉雲川

佑劉竹笑禮奎程憩棠樸采傅秋屏繩勛靳雲

屏會昌諸同年

拋卻平生讀過書舌人分課就僧廬聲諧金史元文外

清語與金史國語解合者十之六七而益詳備元製
蒙古字今稗編載百家姓蒙古文石墨鏤華載元聖旨
碑文客聚晨鐘午磬餘插架近知新語富康熙間纂清文
鑑乾隆間續入
新定國語篝鐙誰共夜窗虛諸君晨集暮歸
惟余留宿寺內漫將揚

馬誇詞賦纔似蝸髻入塾初

烏鵲謠

烏鵲鳴啾啾摧爾翼禿爾頭仙梁迢遙隔秋水年年別
淚明河流明河流入羅幃當戶織流黃機鵲繞樹鳴且
飛能載牛與女不能載郎千里歸爾鵲爾鵲亦可憐不
如衡陽雁猶能致書達郎前

題高已生同年

錫蕃

白雲親舍圖送其南歸

高生生西吳武庫森五兵吐舌唾四海座客無不驚平
生善色養跼伏甘柴荆忽然發西笑挾策游

帝京抵掌公卿間嶽嶽起盛名佩魚與腰龜芥拾誰與
爭顧念定省缺愁聽春鵲鳴幡然決歸計犯雪羊裘輕

君來白雲送君去白雲迎上堂拜白髮笑顏發春榮請
酌下箸酒請進長命觥思柔譜咳華何如束長生吾親
羈華陽蹤跡不合并巴船夢入峽萬樹青猿聲起視天
際雲片片皆西行省君圖中意使我百念縈但得半菽
奉此樂踰華纓養親逮親存勛哉君歸耕

以武殿試收掌官雪後直宿殿廡

學劍當時悔未成掄英鉅典厠書生天邊鐘漏人初靜
雪後樓臺夜更明可有萬言陳要策不嫌五夜守孤檠
紫宸喚仗期應近聽唱句臚第一聲

題孫秋士

憲儀

卜兆圖

白骨無坏土傷心四十春
披圖吾欲涕似爾奈何貧
赤甕經空祕青山夢未真
自題有宵來空有夢足爾萬山中之句
交游一舟
麥高義屬何人

一炬空環堵巢焚事可嗟

君老屋已燬於火

知君悲未葬不敢

哭無家霜露心常感關河鬢易華
佳城如示兆幾日秣歸車

同人小集尺五莊

冷吟閒醉傲笙歌一覩韶華莫放過
事忌遷延晴日少春無拘管野花多
城南韋杜天真近社後風烟氣已和
更請俸緡商近局豐臺紅藥錦成窩

輓邵餐霞孝廉

謹

燕市年年逐酒徒，哀彈自恨玉絃孤。
別開詩境黃山谷，未了歸心碧浪湖。
身後千秋吾黨惜，眼中百輩此才無。
天涯早抱焦桐感，腸斷風前一葉枯。

君以立
秋日死

同人屬勘餐霞遺稿漏盡偶成

幾家海內砑長城，拔戟真誇一隊成。
十上慣看人得第，千篇空爲鬼爭名。
藏山有待將來事，翦燭纔消欲斷更。
坐聽調刁吹萬籟，世間多半不平鳴。

花宜館詩鈔卷之一終

花宜館詩鈔卷之二

錢塘吳振械宜甫

古今體詩一百二首

己卯至壬午作

歲己卯恭逢

皇上六旬萬壽元旦朝賀禮畢

錫宴羣臣恭紀四十韻

歲瑄開元日神庭

受筴年朝正肅

宸極祝

嘏徧垓埏九達塵初動三嚴候不愆祥暉催曙早和氣

扇春妍稷雪融珠闕蕭雲麗玉樓於旂螭陞列

殿陛下設鹵簿

儀仗鐘鼓鳳樓傳

午門樓上鳴鐘鼓

誅蕩千門闕葳蕤五輅駢星

移宮燭影風颺

御爐煙

駕至則燈光見而爐香起

連步何紛若齋心尙愼旃

富陽瞻負辰警衆聽鳴鞭柱史抨彈切

御史糾儀

句臚贊導

先

鳴贊官贊導

分庭班對峙序位石斜連

按品級石以次序立

朝罷仍

聯袂歸遲且撤轡正衙看放仗

中旨促陳筵日耀堦彝古霞舒帟幙鮮

丹陛上張幘次陳禮器

重

看春殿啟已見

帝車旋陞盾森環衛宮絃統羽縣謦韶聲協比翮驚影

踴躍

殿上奏樂用舞

香案依光近豐楸上壽虔

進酒大臣奉爵御座前

睟顏知有喜

膏澤沛無邊宗傑親疎屬

宗室王公

名王左右賢

外藩王公

台衡

資最重卿寺秩頻遷勲戚蒙榮祿曹司逮散員土酋能

率職

年班土司

生佛亦朝

天

西藏喇嘛

更喜爰閭盛如披王會篇問程經烏谷通譯過

雞田南辯歸誠久東鞬抱節堅梯航皆接踵冠帶幸隨

肩

朝鮮琉球南掌各國使臣

覆燾真宏矣儀章總秩然太官調水火

諸吏察聲羶麟脯都充膳龍膏不釀泉芳餐犀作箸奇

果翠爲籙典紀仙莫始香分瑞楚前凡茲

禔福被悉本

德功全天地心參兩春秋歲八千延長齊海嶽吐納謝
彭錢釋褐才原陋懷鉛業未專

殊施叨醉飽薄效闕塵涓拜獻慚金鏡吟哦託彩箋

賜酺延耄耄

盛典待重編

康熙乾隆兩朝
開千叟宴輯萬壽盛典一書

聖壽七旬

鐙詞

南油西漆價都增絃管聲中鶴燄騰聞道今年春事好
不過燕九不收鐙

第一豪華四姓侯霜風不上錦貂裘夜闌已倦看燈眼
又挾歌兒問酒樓

驄馬清宵伺察頻車聲靜碾六街塵箭張酒趙偏無賴
倒把珊瑚鞭醉打人

袖揜香貂尺半長繡巾蟠領內家妝相逢畫轂頻窺認
恐是同遊姊妹行

正定龍興寺佛像歌

卽隋之
龍藏寺

正定城中龍興寺七十三尺佛像崇有唐創建溯開寶
捨身烈燄僧澄空厥後興廢迭相踵我

朝亦施巧作工玉毫光中獅子座三十二相華而豐巍

魏峩峩不可企飛簷翼以樓三重慧眼平看日月過珊瑚
蓋覆層霄中我聞藥上十八丈此像相較不及胸東
京亦有一丈佛鎔範祕影難並雄當時夜入漢帝夢金
身小現非神通不知無量無邊身亦爲薄絲與針鋒剖
芥藏山豈真實拔毛沃海非朦朧分身散體總無著方
圓大小難終窮我來瞻禮夏徂暑原田龜坼疑乾封金
剛輪際甘露水一滴可以蘇三農如何歲歲受供養行
雨不呼菩薩龍以此白佛佛不答且歸拂簟眠清風

磁州道中

官道千楊柳亂蟬高處嘯好山不知數青在夕陽西沙

暖草香細水深荷葉低柴門閒笑語村叟看扶犁

南陽懷古

騎牛初識絳衣冠一日威儀復漢官符命肯容皇帝假
英雄方信弟兄難能教隴蜀終歸化未有韓彭死負冤
偏是故人呼不起世間無物傲漁竿

辰州

人家橫古郭雲景帶辰溪砂窟紅抽箭山田綠上梯殘
芻憐馬病孤枕怯猿嘯寂寂誰爲侶螢光入戶低

懷化

明河倏韜影游氣豁晴曉山空無雞嘯行者已木杪巖

藤翠織密澗果紅綴小屐齒踏高雲百丈俯見鳥風微
谷響動鐘鼓出竅篠幽絕悽詩脾欲寫境已杳衡陽望
不極空宇雁聲裊

文德關

左山高無垠右谷窅無際奇險天不惜終古擲荒裔萬
石怒相向爭此尺寸地山荒靈液枯雲氣亦憔悴當昔
割據時夜郎苦驕恣此扼滇黔喉坐享戰守利老師復
糜餉采入功匪易豈知武烈盛端在文德懿

聖王柔羣雄所杖仁與義此山無傾時此論不可棄

飛雲巖

崖端豁百丈廓然剗其中仰觀壓人頂三面凌虛空石
筍皆倒生俯首下渴虹想當渾沌始斧斤鑿鴻濛滴乳
五百道凝結乘罡風褰成寶瓔珞垂雲影瓏璁四旁伏
蛟蜃亦復鬚甲雄象形愜冥會石萬巧則同翠割而蒼
擎惟天實貪功我來坐寒綠歷覽興未窮悄聞磬聲遠

杉竹藏花宮

巖下有
月潭寺

山澗

澗泉出山走山徑破嶠刺石頭苦搪撐步步相蹙拶水
行石橫闌水立石上過奇陣嚴壁壘重閉列門闌曲折
得一間奮然要隘奪俄而受箝制拗怒水倒潑崖傾羣

龍鬬穴陷獬蛟拔龍鬬鱗甲飛蛟拔爪牙活又如萬奔
馬騰蹴鞍盡脫金鼓併一響雷霆下而喝地軸受擺撼
元氣日剗割我有兩耳來無此雜亂聒緣山數十里一
瞬脫駭咎安得百丈牋畫筆濃淡抹

牟珠洞

洞在平
越州

老僧導我入山脇古雲出洞如相迎瘦藤支拄代健僕
猛炬照耀逃山精愈深愈曲愈偃仄忽凹忽凸忽坦平
鍾乳亂灑千點重日腳不漏一綫明其中厓石錯齷齪
無數物象嵌巖阬竹芽突兀錦綳脫蓮萼偃仰仙槎輕
猛如欣飛相格殺飄然春女行嬌獬脩羅空中八臂現

林雍地下一足翬若鶴伸頸鳳排翼若虎鋸齒龍搖睛
子母牛戴狀層累內外蛇鬪形縱橫彭亨脹腹覆大鼎
鉤連鬪角搯華楹金光玉色寶瓔珞黑肌赤脈仙棋枰
意象萬萬入劖削彷彿一一可指名蠻荒亦苦渾沌鑿
狡獪難與造化爭懸厓谿衍觸額礙窘步犖确試腳行
乾晴氣霏雪窖冷細語響答雷車轟枯泉暗踏幾珠迸
陰霽眩亂十色成罷遊破寺瀟苦茗出坎猶覺心怦怦

養龍阮歌

有引

阮去貴陽百里舊傳春時樹柳繫馬旣而雲霧
晦冥則與龍過往往往獲龍駒焉洪武四年夏國

長獻十馬其一卽得之於阮者賜名飛越峰宋
潛溪有天馬贊後徐文長亦爲之歌田山薑黔
書載其事並附柳阮行一詩

龍堂不向滄溟造養龍阮中波浩浩龍翁龍婦長子孫
太古光芒珠不老春三二月春水綠碧眼蠻兒虎皮服
手牽一丈玉獅子不勒不羈行躑躅須臾水中萬鼓鳴
龍氣出水五色明雄雷橫飛電光紫萬廢宵驚墮龍子
天邊忽失房星精世間信有余吾水尾如蒲梢耳削筩
汗溝血簇珍珠紅甘露芻肥地黃熟突兀象作人間龍
雞鳴刷燕晡秣越驟躍驚矯如行空大頭緩耳十萬雌

豈有一匹能並雄吁嗟近世良材寡一心誰與成功者
安得持獻

帝阜中吐氣崢嶸立仗下

象冢行

有引

象冢在馬龍之南田山薑爲之銘明天啟時安
邦彥奢崇明犯馬龍象鼻吸泥水出賊不意躍
起數丈噴賊陣復捲一賊墜地蹴之如鷄賊氣
奪黔兵乘之遂克之明日象亦死土人爲封瘞
立碣焉

馬龍象冢何崢嶸遺聞得自山薑翁在昔安奢恣蠻貊

喋血霑益兼烏蒙山中一物來何雄吸水倒噴水有鋒
咆吼作勢賊陣衝足不踏地行如龍怒捲一賊擲半空
將士逐北收全功我聞有唐天寶中舞象不舞洛陽宮
此象憤賊將無同不惜一死成其忠嗚呼不惜一死成
其忠我歌願託風人風

黔苗雜詠

傳聞五姓作比鄰一色斑絲被服新白竹弩強工射虎

如何午月怕逢寅

生苗紅苗有吳龍石麻田五姓衣被俱用斑絲每歲五月寅日夫婦各宿

不出戶以避鬼恐虎傷也

山蠶飼罷野花稀漸髮溪前水乍肥蠶錦垂紅雙帶短

背籠雲裏負兒歸

陽洞羅漢苗在黎平婦人養蠶織錦短衣繫雙帶漸水沃髮滌之澗中背

龍編竹爲之負于背或坐小兒其中

坐家生子是何年親愛如何痛著鞭欲向東鄰覓佳壻

防他苛索外甥錢

花苗女嫁數日還母家生子然後歸謂之坐家宋家苗新婚壻迎婦婦家

無子則重獻于舅乃別嫁謂之外甥錢

斷頭掉尾水西強蘆管家家引酒嘗無復剝牛輕一死

斫畚呼伴插新秧

黑羅羅卽羅鬼諺云水西羅鬼斷頭掉尾凡飲以蘆管插盞中碎之有盟

誓則剝牛食片肉者不敢背

重重裙褶皺湘流不是神仙好住樓無限相思無限恨

春風一擲小花毬

仲家好樓居女子長裙褶積多者二十餘幅孟春跳月用綵巾爲小圓毬

曰花毬視所
歡者擲之

龍家苗裔幾時添盤髮髻一笠尖貧女絕憐妝慧苴

春來不避鬼竿嫌

馬鑿龍家以馬牛鬚尾雜髮中盤若
蓋狀覆以尖笠狗耳龍家婦人辨髮

以五色藥珠爲飾貧者以薏苡代之春
日立鬼竿于野男女旋躍而擇偶焉

月場百步涇金波六孔蘆笙夜踏歌紅殺蠻花春易老

相逢休惜聘錢多

苗俗孟春合男女于野謂之跳月月
場既定咸飾新妝男吹蘆笙女振鈴

繼于後同翔宛轉終日不倦暮則挈所私歸
比曉乃散至聘資之多寡以女之妍媸定之

巢居架木倚谿紆掘地偎爐夜火加莫笑峒人無臥具

年年寒夢裏蘆花

苗寨架木如鳥巢夜無臥具掘地爲
爐爇柴而反側以炙峒人則冬以蘆

花爲
絮

髮婦仍愁獨夢長只誇紫電掣刀光風前五色旗如繡

看取村人賽竹王

木老善製刀初娶分寢生子然後同處祀鬼用五色旗

短髮多一寸賒桶裏兩樣問紅花懸知笑口難開處

寂寞春山未打牙

剪頭狔狔男女蓄髮僅寸許幅布圍腰旁無縫積謂之桶裙紅布爲紅狔

狔花布爲花狔狔打牙狔狔尤慄悍女子將嫁折其二齒恐妨害夫家也

銀環太大髮籠梳絕豔花枝蠟畫粗心事未諧雞骨卜

有人還縛楮皮無

銀環長大如簾鈎形凡布先以蠟繪花而後染之既染去蠟則花見其卜

也或折茅或熟雞取其脰骨與腦驗之花苗男子未娶者縛楮皮于額

尺角淋漓酒具齋瓮中骨醉馬牛雞陽厓陰壑荒涼月

放出金蠶夜飲谿

狔家以牛馬雞骨和米糝作醪有喪則召親友執牛角徧飲多畜蠶夜飛

而飲于谿有金

光曰金蠶蠱

苦蒜盈籃不值錢春山又採蕨如拳午春廬下聲聲急

忙殺諸姨說過年

貴陽城中賣苦蒜蕨菜者皆苗婦漢人呼爲苗姨媽歲暮家家僱令春糲

爲養

近來魑紛變華風舊俗傳聞有異同更喜學宮新弟子

漢人裝束領花紅

宋家蔡家諸苗近皆通漢語知文字黎平設苗學

玉尺樓見月有感

多謝天邊月相隨到夜郎高樓照顏色一夕九回腸少

小猶能憶團欒倒玉觴而今塵壒裏何處不他鄉

施秉縣

舊是偏橋衛孤城夕照殷飲溪猿縋壁嘯樹虎巡山木
老燒畚出奚婆禱病還裁詩陳土俗聊以豁愁顏

惡灘

陽侯爾何愚甘受猜惡名波濤石出沒怒鬪如蛟鯨哀
哉天地心不息一刻爭青山走兩岸應接疲送迎到眼
墮恍惚回頭失崢嶸不知下瀨疾翻若縮地行搜奇與
狎險憂樂中心并鳴榔出叢莽猺歌答淒清

芷江

水曲穿危石波平蹙細紋霜酣兩岸樹人卧一船雲
響溪漁出村深野渡分江昏猶放櫂山月照殷勤

石雞引

江上巨石形如雞
土人呼爲雞公厓

趙高一炬秦山赤夜半驚嘯遯仙翻翻身一落湘中烟
不鳴不飛三千年紫蘚冠綵綠莎羽雌伏淒涼五溪雨
精靈儵忽作人語楓林冥冥恐行旅石雞石雞我將活
爾以淮南之丹訣飛入桃都地高絕火輪喚出海鏡裂
人間瑣碎螢光滅

清浪灘

石出漲初落奇險難盡載蠢若三犀連巨若六鼇戴或
築堂防封或列左右隊銳者萬劍磨闊者兩扉對水爭
石出沒石扼水進退奔騰不可制雷奮冰雪潰如何一

葉舟放手落其內擊撞小不慎檣艣應時碎我生怖畏
多茲役瘴癘耐心苦肉不甘微命蛟鱷貸高坐白浪中
飛濺溼冠佩扣舷一沈吟忠信吾豈昧

舟晚

飛鷗不作羣孤棹入斜曛秋色淡無著一江流白雲蘆
深漁火隱灘遠櫓聲聞薄薄村中釀閒來亦半醺

大龍驛

下馬投山驛宵長睡未能猿啼屋頭樹鬼瞰雨中燈殘
火爐薰歇新寒襖被增蕭然無雜念真似打包僧

公安

斷續沙汀見參差粉堞橫江鳥爭暮樹楚雨入秋聲驛
舍三椽舊歸裝一葉輕家書緘未就孤負雁長征

荊州

日月江聲送干戈古郡存人烟寒鄂渚山色赴荆門下
里箏琶鬧嚴城鎖鑰尊承平今已久虎旅尚雲屯

大雪行襄城道中

雪花夜白五百里寒海齊鞭凍蛟起上天下地合一色
不知山川與日月碾珠作塵玉作沙天女散盡空中花
小者如掌大如席爭勢亂落翩然斜忽若迎我落馬首
忽若送我隨征車車行迢迢馬行苦噴氣三尺雪爲雨

角鷹拳縮慘不啼身僵頂禿寒樹齊樹旁茅店壓欲倒
世間畫雪無此好年年看雪登江亭但可洗滌詩腸腥
今我所見絕曠蕩九州雖大無畦町衣船帽屋消塵堞
竟日揮鞭忍寒餓入城童僕盡顏開爐火通紅酒杯大

河北行

是歲河決
武陟縣

河北何遙遙遙遙千餘里一里數千家暮生旦已死銅
鉦夜半報河決夢中忽墮蛟龍穴蛟龍飽食怒不息黃
者河流赤人血亦有性命留須臾饑不得飯寒無襦酸
風長號十晝夜人哭鬼哭聲模糊昨日

詔書下建章德音悱惻恩汪洋災區今年悉除賦貧民

更賜一月糧聞者歡喜拜且舞但得不死餘何望老翁
扶兒婦披媪升斗待領官家倉縣官倉皇有急事爾曹
饑寒且須置行河使者旦晚來高岸築館安輿臺

雪中

雪花忘客苦日日撲行滕萬木色俱死一天寒有稜澗
枯山背瀑風裂馬蹏冰裘敝吾猶戀宵來噤瘁增

汜水

不是曾經路重煩候吏來以河決改驛道爐寒人乞炭水去壁

留苔

山水暴漲灌城屋宇被水者幾半

雪互旋門坂雲荒賀酒臺眼中

多阨塞應仗長官才

祁忠敏公遺研歌

有引

研爲汪小米中翰所藏傍鐫七言絕六詩首僧
悔二詩次祁李孫釋明孟寓山樵各一詩而消
一詩居末僧悔詩後有跋言公嗣奕慶以公遺
研贈陶生屬作詩以紀其事李孫卽奕慶陶生
陶去病也明詩綜公子理孫班孫姪鴻孫班孫
字奕喜鴻孫字奕遠則奕慶爲李孫無疑詩綜
李作理當據此改正然二字古本通也明孟雲
門顯聖寺僧字三直寓山樵以祁氏別業爲號
詩中稱公以君或公之昆弟耶餘俟考

寓山園中石一片此石非石研非研地老天荒耿不磨

乃是臣心鋼百鍊臣年弱冠始承恩漸見烽烟萬里昏

封章要勢論軍事

公上疏言二大要四大勢十四大苦

涕淚洗瀾沁墨痕

北都破碎南都蹙燕子春鐙了殘局一棹能消跋扈心

九重偏信凶奸目纔解朝衣許乞歸已看天塹成傾覆

正氣終希信國蹤餘生忍竇橋亭卜楚纍哀怨竟沈湘

池水千秋鐵骨香枯到荆花失喬木捨將遺宅付空王

梵鐘成火羣公子白髮青裙六太娘枉說門才雄一代

同頭梅市總淒涼

公居梅市寓山園有紫荆二大樹時祁氏一門有男子皆美人婦女皆才

子之譽其後捨宅爲寺一子爲僧一子成邊

閩烽粵燄嗟何益城郭人民都

變易豈料昆明劫後灰尚留精衛銜來石歌哭方袍世

外僧贈遺敗牖園中客飄零最惜澹生書珍祕應同曠

亭額

公家澹生堂藏書萬卷皆散佚曠亭一額委棄江野人家乾隆間趙谷林先生以米四石易之

東忠義動人間長物留傳二百年海天浴日光芒冷一

樣傷心劉蕺山

念臺先生與公同居山陰同死難所遺海天浴日一研舊藏陳古華先生處

木蘭詞三十首

有引

秋獮之制肇自康熙乾嘉兩朝踵行弗輟肄習

武勇綬懷遠藩典至重意至深也扈從之盛儀

文之備宴饗之隆錫賚之渥照耀宙合邁乎往

牒深恐歲月滋久數典或忘爰披見聞述之篇

翰鋪敘始末雜及纖瑣聊爲後之好事者佐談

塵云爾

虹旃雲罕向多延還似康熙出獵年收得東藩甌脫後

春風長到柳條邊

凡秋獵先至熱河暫駐熱河爲多延衛明史作朵顏衛行圍之地爲喀爾

沁敖罕翁牛特所屬康熙間以地獻周一千三百餘里四面編柳成列爲界曰柳條邊亦曰鹿柴門

合符留付相臣尊告廟陳牲舊典存纔說啟鑾諏吉日

歡聲雷動碧峰門

啟鑾前留京王大臣請合符先一日遣官以秋獵告祭奉先殿碧峰

門熱河之西門也

好秋看過月圓時羽獵年年未肯遲吟遍洞天三十六

已催出塞製新詞

乾隆嘉慶間率於中秋後一日由山莊啟行出口山莊有三十六景皆

聖祖命名以四字標題乾隆
間又增三十六景以三字標題

貔虎桓桓盡將才平明校射禁扉開武臣漫笑文臣怯

百步先穿畫布來扈從之王公大臣侍衛等官例于山莊宮門外校射王公大臣中三矢賜

馬一緞一四矢加緞一五矢加緞二侍衛等官中三矢賜銀十兩四矢十五兩五矢二十兩又京師啟蹕前隨

圍之滿漢司員亦於宮門校射滿員中五矢賜花翎漢員中三矢賜花翎

沙黃草白逼霜晨已有深林哨鹿人誰把地名工附會

上蘭兩字更翻新凡哨鹿于秋分後昧爽時人戴鹿首伏林阜間口含木哨引吻作鹿鳴羣

鹿卽紛至國語謂圍場曰輝罕木蘭者哨鹿之謂圍場爲哨鹿所故云爾久則視若地名矣今又有稱上蘭者

東西分路就平川甸獵恩恩曙後天明日布圍須努力

眼明先試射蠅弦自波羅河屯入圍場有二路東伊遜崖口西瑪圖口入口就平川先試小

圍謂之甸獵次日
方于山中布大圍

莽莽風沙地勢寬藍旗前導騁雕鞍好將漢字繙清語

到處佳名喚永安

布圍用蒙古兵一千二百人以黃纛為中權兩翼左正白右正紅兩翼前

各以一藍旗為前哨東口首圍為永安莽喀漢語沙岡也西口首圍為永安拜漢語沙地也圍場地名率仍蒙古之舊惟此二處用國語皆自聖祖命名以漢文書永安符吉語也

後哨爭隨前哨行更催飛騎擁華旌喧聲動處人如海

天子腰弓出看城

前哨進後哨以次隨發由遠而近圍乃漸合方布圍時兩翼前各數騎擁

纛飛馳謂之跑鳥圖里將至看城喧呼瑪喇哈則圍合矣于是

大駕佩弓矢出看城泣圍看城看圍處也

亦曰等城

警蹕從容豹尾閒凌晨策騎日晡還儒官禮數容寬假

不屬橐鞬但侍班

扈從大臣皆屬橐鞬惟漢文員則否

網山絡野極喧轟雨血風毛百獸驚一日射熊三十六

不須重命虎槍營

上涖圍引矢射大臣侍衛乃射中者紀諸冊圍中有熊虎猛獸則馳

報命虎鎗營官兵禽捕

集鳳軒頭矢不停詞臣獻頌耀威靈須知聖武皆天授

射鹿

皇孫只十齡

乾隆戊辰御集鳳軒集侍衛于大西門校射高宗發二十矢中十有九詞臣皆

以詩獻庚戌在威遜格爾行圍

皇次孫隨侍射中

一鹿賜黃馬褂雙眼翎

齡句蓋高宗年十二隨進圍而

皇次孫是時甫十歲也聖祖

一發天弧虎負創羽林郎將更追亡山深路曲歸來晚

落葉松邊已夕陽

上親射獸獸或負創而逃則命一二侍衛逐之踰越巖谷必獲乃已

塞外有落葉松至秋落葉與他松異

花準還如舊準良錫名兼重虎神槍累朝武庫珍藏物

萬丈猶騰作作芒

三神槍者花準神槍舊準神槍虎神槍也皆康熙間故物列朝秋獮輒用

以殪猛獸

角決當時貢索倫兼金論價最稱珍何如

御用捐華飾百歲摩挲手澤新

堪達罕產黑龍江似鹿而大角可爲韃佳者值

兼金雍正以前索倫貢開弓角決或卽此也聖祖御用韃十二枚或革或皮製極堅樸

三市周環八色旗兼旬馳逐欲忘饑路人識得新臣僕

短後都裁白罽衣

圍凡三市圍期率以二旬外圍用新滿洲皆衣白罽

高冠孔翠彩璘彬衣上鵝黃色更新過午收圍爭獻獲

馬前多少拜恩人

每日未刻收圍路中諸蒙古獻禽者分賜黃馬褂孔雀翎

割尾誰誇射鹿豪獸臣數獲語噴囂千官盡飽天厨味

忘卻霜韉雪幙勞

圍中得鹿先割其尾以進獲車載所獲輪幙城司獸數尾卽知獲鹿之人

與其數所獲各牲分賜王公大臣官員各有差

東方歲歲貢鵬翎霹靂弦開四野聽日午傳呼鵲師赤

霜晴催放海東青

鵬翎由盛京歲貢鵲師赤同人之善養鷹鶴者居京師隸八旗

急遞封章到不遲岡頭駐馬每經時圍場一樣勞批答

只有

先朝宿衛知

乾隆間緬甸用兵軍中奏報至卽於圍中駐馬批答

太官羊味美如何傳出金盤百面多幾度賜餐恩破格

至尊親自看調和

看城傳膳之日

上親視調和湯飯並盤煮羊賜御前大臣侍衛及隨

園之外藩王公

台吉等早餐

日麗中央

御幄黃藩臣進宴肅冠裳新漿不敢誇捫馬別奉瑤卮

萬壽觴

行圍時卓索圖昭烏達二盟長例進筵宴蒙古舊俗于三月馬生駒後取馬乳爲漿名曰七格

至四月釀成於穹廬中

插柳祈福用以嘗新

絃阮箏琶韻亦和歌詞都爲感恩多天家一意綏藩部

又卻筵前九白駝

什榜蒙古樂名以筵管箏琶絃阮火不思之屬於筵前鞠踞而歌又宴次

例進九白駝爲最貴重之禮朝廷厚往薄來故每進必卻也

不施羈勒不施韉快馬追風到

御前三十六人齊拜賜鬚鬚短髮尙垂肩

進宴時扎薩克以馬數百

匹列二十里外去羈勒幼童乘之槍聲爲節衆騎齊馳不踰晷刻而至謂之詐馬漢語謂之跑等其先至者三

十六騎優資有差

角勝偏愁仆地難更騎生馬騁雕鞍人材似此真雄傑

博得

天王帶笑看

宴時有捺較者蒙古曰布克清語曰布庫脫帽短襟兩兩相角以搏捋仆地決勝負

又扎薩克驛生馬至宴所散逸原野王公子弟以長竿馳繫之加以羈勒騰躍而上須臾卽調良矣蒙古謂之

騎額爾敏達驛馬三歲以上曰達驛額爾敏則不施羈勒之謂

砂點雙睛雪作毛牽來堦下紫棉絛瑞麕信是非常瑞

不比尋常獻鹿羔

乾隆辛未秋獮蒙古台吉必力滾達以鹿獻色純白目睛如丹砂高

宗作瑞慶詩次年復于巴顏河落得一鹿如前所獻者鹿羔鹿之小者盛京將軍間一年進六十隻令圍場官兵捕捉進不足數次年補進

慢城密護網城疎連帳傳籌唱漏初老監坐更談舊事

繡茵曾扈大安車

行營內方外圓中建黃幔城外加網城索綯爲之外設連帳一百七十五

爲內城啟旌門三外又設連帳二百五十四爲外城啟旌門四各帳以八旗護軍官校周列宿衛至御前坐更則太監之職又康熙間嘗奉

遜格爾行圍乾隆間亦嘗奉皇太后出塞觀獵

標識紛紛子細看燈光旗影倚長竿誰家畫出香爐樣

扈從官員帳房畫旗夜燈各有標識如南書房供奉翰林則畫香爐之類

道是南齋供奉官塞草秋深馬正肥塞雪寒重雨霏霏

聖心最恤衝泥苦便不停圍也減圍

秋霖盛潦獵事中輟曰減圍若未獵

而止曰停圍

不論生身與熟身馳驅都奉屬車塵明朝出哨重頒賜

恩遣歸藩口勅頻

蒙古已出痘者為熟身未出痘者為生身獮畢出哨至張三營行宮復賜

食頒賞遣歸部落王公以下賞緞兵丁賞銀布

狼圍已輟步圍裁鳧藻諸軍扈

駕回更盼柳荑花綻後

六飛眷幸瞭鷹臺

狼圍者冬間或命侍衛等獵南苑以除狼暴非恆制也又國初每歲兩翼

前鋒統領率所部於都城外習步圍日久已成具文嘉慶六年命停止惟每歲春謁陵還至南苑行圍故有春圍秋圍之名南苑即元時飛放泊有瞭鷹臺凡大閱時有瞭鷹臺殺虎之典

鐙下聽內子讀梅村集

婁東祭酒腹便便辛苦詞家作鄭箋絕代才華長慶體
傷心身世義熙年人誰無死公真悔卿善談詩我最憐
紙閣夜闌消受好香溫茶熟短檠前

澄懷園四首

寶墨

先朝賜名園故相傳

舊爲相國索額圖賜園雍正間賜

九人居之後遂爲兩書房入直園寓澄懷二字
康熙間書以賜文和者文和揭以名其園也

果然依

日月只許住神仙洗馬前湖雨聽鶯禁樹烟蓬萊真可

到未用訪瀛壖

松檜重重鳴菰蒲曲曲塘雨涼魚氣靜風遠鶴聲長仙
嶺分晴色春蕪得異香高樓遺跡在百尺互虹梁

近光樓

然尙存

結屋分頭住鳴珂下直回詩成多應制客到亦銜杯易
適江湖興誰爲典冊才清時槐鼎貴多向此中來

頗厭居塵市時來覓釣竿獨游乘興好久住買隣難鳥
語經春換松聲入夜寒悠然濠濮想忘卻傍

金鑾

恩賜綴綾羽毛若干件恭紀

尚方頒

特賜新樣出仙機恩自

天題重榮逾畫錦歸織文知遠貢戲綵溢春輝回憶山
中日惟誇大布衣

同王蘭卿

丙

家梅梁

傑

顏魯余

伯燾

程憩棠

林采

牛鏡塘

鑑

李葆初

復堂

諸同年泛舟通惠河至

二閘就酒肆小飲

閉門眼倦殘書堆出門滿眼飛黃埃欲舒懷抱展清眺
貧宦那得營池臺近遊昨夜約朋好短箋覆我皆云來
曉衾戀夢嬾未起簷樹啁啾啼鴉催攬衣下榻了盥櫛
瘦馬蹀躞城東隈鯿魚船小賤可賃緩曳風絳聊沿洄

柳陰成帷日色薄下有鴈陣翻波同須臾就岸客連袂
忽驚天外飛雄雷銀河下注水萬斛安得盡釀春前醅
書旗誇酒得小店雜坐不顧諸奴吟藏驅射覆更毋戰
亦用文字相嘲詼始知野飲意大適瓦卮絕勝黃金罍
諸公作賦震金石淩雲已賞相如才一朝入侍

玉皇側終歲磨盡千松煤溪翁田父縱有約掛壺驢耳
難追陪急申後約到秋九風雨已過雲山開青鞋緊縛
踏落葉來看野菊榮霜萼

洗兒

失喜啼聲繡榻前洗兒新領道光錢

時甫行道
光通寶錢

酒酬賀

客須排日書慰慈親急遞牋便到公卿庸是福任嘲豚
犬總生憐幾人自許堪爲父經笥曾無業可傳

征衣

時家大人
自蜀南歸

不待湖田買十雙白頭且喜買歸艘早聞犯雪穿三峽
定已乘潮下九江是處驚濤總春枕到家新綠欲搖窗
征衣解後人無恙好集親賓撥酒缸

偶至陶然亭作

高亭何喧呶長筵列八九紛紛屠沽兒謔浪不絕口偶
來亦思飲敗興成反走卻向林阜間空潭不知畝青青
陂中蘆鬱鬱沙上柳時有山鳥來細啄蘚花厚頗喜風

氣清未覺木石醜曠然了無懷游曠遂云久佳境隨處
多逐欲迷所取吾心本陶然於亭亦何有

恩賜官窯瓶盤杯枕若干件恭紀

貢篚饒州重珍於大食瓷稱名誇御土叨賜出

天墀細極明花印溫然膩玉脂捧盃心自凜曾記賦汗
卮

寄大兄

蘇州時兄病至
蘇就醫

落盡吳楓秋已殘料應扶杖日憑闌十年自恨休官晚

萬事惟愁止酒難故侶伴吟情繾綣

幕客凌芥山爲
兄料理藥餌

衰

親問疾淚洳瀾京華尙有羈棲客夕膳何時共采蘭

歲暮蒙

賜鹿肉風羊野雞冰魚等物恭紀

仙庖初拜賜塵竈乍生香物產兼山澤

恩膏溢筐筐分餐留客飽密弄看妻忙只惜蘭陔遠

君羹未得嘗

食河豚白腴作

卽西施乳

河豚入饌趁春早啖到楊花春已老最憶春江二月初
青郎纔大班兒小我今買魚不食魚金刀割取白玉腴
奇珍不敢自祕惜灑掃西堂夜召客下箸嘖嘖誇四筵
傾杯注盞如流泉喜若美女翩來前肌理柔膩令人憐

坡翁偶得飽此味便肯一死真詩顛安得浮家向通潞
買魚典綺常論部癡兒豪華不足語但解蒸豚索人乳

夏日史館卽事

身到青霄第幾層長看曉色上觚棱六時易盡遙傳漏
三伏都忘日

賜冰朋輩旬休心甚羨

初爲

寶錄館纂修每纂一卷訖可得數日暇今以提調兼

校勘畫一本則

日日到館矣餐錢月請例相仍最堪誇向人間說

寶錄琳函見未曾

送陳午橋親家

鴻

視學雲南

雲中驛路繞牂牁使者輶車萬里過漫惜故人如雨散

求士比山多蠻村市藥名誰辨邊郡求書字半訛
珍重加餐勤講學絃詩吾欲賦菁莪

戚蓉臺前輩人鏡入史館効力

良金不免鑠大木不免蠹皎皎中天月亦有狂雲妒君
性自迂直每懼素絲汙豈能如桔槔俯仰無所忤九關

高戟戟出入謹趨步不意文字役忽觸虎豹怒

君直上書

房朝暮出入禁門會考試差爲侍衛排沮君以理斥御前大臣劾之遂落職喜愠本不形甑

墮亦何顧晚歸侍高堂一室樂且孺忍飢誦遺經窮巷
守吾故頗聞朝士言福善理靡誤未有明盛時賢俊坐
斥錮果然膏澤下一日起僵仆纂述

堯舜典鴻筆是當付升沈亦偶耳私喜得所助義恐迷
金根文每謬羊芋苟非矢精勤何以重墳素過我能深
談囊茶有新勝

既被出守滇中之

命乞假南歸感賦

沈沈鰲禁耐迴翔贏得官閒興味長一日

玉音叨問答三公歲會忽搜揚

辛巳十月朔蒙
對於乾清宮之西

召

暖閣旋列
京寮一等

乘邊自詫蠻夷長撲筆拌離翰墨場眼赤腰

黃都不計去憑

天語勸耕桑

此行萬里路崎嶇兒女先憂瘴癘侵倦枕燈前商去住
鄉書天外畏浮沈龔生早悟蜘蛛縛長孺難拋狗馬心
絕好釣磯休戀著江湖不抵

主恩深

辦嚴草草及蕭辰捆載書猶笥束新去國更無長借馬
到家仍是遠遊人夢魂輾轉觚棱月鬢髮消磨短堠塵
至竟暫歸歸亦得辛盤好薦草堂春

歲杪可
至杭州

昆池浙水路緜緜話到萊衣黯自憐縱有俸緡供薄養
忍將行李累衰年當歸合寄山中草可種曾無郭外田
捧檄入門翻涕淚客愁多在白雲邊

奉別王勿庵外舅並呈蘭卿

圻屋寬閒歲月長
論詩自幸得津梁
奏箋敢謂崔郎敏

濁酒能憐子美狂
短榻十年容倦跡
大裘萬里壓寒裝

時以裘服贈行夢魂最戀蒙茸紫
寓中藤花最盛可得藤陰再舉觴

經年祕館對簪毫
遠別如何慰寂寥
羣從烏衣才最美

故人馬策恨難消
庭前君憶因風絮
溪上吾思似雪苕

他日買鄰三角漾
酒瓢餘地著詩瓢

送顏魯余伯燾同年備兵延榆

曉奉鸞書下紫清
單車西問受降城
臣家故事頻開府

聖代邊才但偃兵
驛路柳低寒雨色
關門雁度暮笳聲

當時韓范勞方略坐嘯輸君政已成

椎冰歎

秋霑漂田冬潦積凍作元冰堅不坼冷日照冰光閃銀
長風捲地不動塵我來驅車走冰上滑澁欲倒摧車輪
車輪雙車輪獨充州徐州一路哭村農椎冰血出漉朝
椎冰裂壘暮椎冰流澌引椎踏冰雪在髭十指僵凍真
如椎一身疾苦豈足恤但祝土脈融春菑年年種田收
不得索飯門東兒面黑且拋農具買魚叉冰下凍鱗差
可食

日來所見如是

京口與周芸臯

凱

前輩別時芸臯挈家赴襄陽太

守任

一船湖上來一船湖上去梅花正好君不留歧路相逢
歲行暮連檣鐵鹿狎驚湍雪花如掌江漫漫君言遠道
官符迫不惜孤篷水驛寒孤篷聚語紅爐熱客裏全家
不離別傳座仍傾餞歲杯落帆定過燒燈節江天寂寞
成揮手塵土幾人能不朽但當把酒唱銅鞮莫爲沈碑
傷峴首君不見東漢水連西漢流襄陽耆舊皆荒邱前
年我亦恣登眺野鷹落日高臺秋鹿門山魚梁洲雲山
佳處最宜畫因風寄我天西頭

芸阜
善畫

塘西

鄭水無波似鏡平
野枇杷下雪初晴
寒鴉比我歸心急
已趁殘陽亂入城

花宜館詩鈔卷之二終